



SIARAN AKHBAR

S.A. 2020/05/43 (HQ)

BERKONGSI REZEKI DALAM KEBERKATAN RAMADAN

- RM4.3 juta wang zakat TNB diagihkan kepada mereka yang memerlukan

Kesempitan hidup lebih 21,000 orang fakir miskin, warga emas, orang kurang upaya (OKU), anak yatim serta golongan B40 semasa Perintah Kawalan Pergerakan (PKP) ini sedikit diringankan dengan penyerahan bantuan wang zakat Tenaga Nasional Berhad (TNB) oleh warga kerjanya.

Bantuan diagihkan terus oleh warga kerja TNB secara berperingkat sejak awal Ramadan, dengan sasaran penerima sumbangan ditumpukan kepada mereka yang tinggal di kawasan berhampiran lokasi operasi TNB di seluruh Semenanjung serta Sabah.

“Inisiatif ini melibatkan warga kerja kami turun padang ke segenap pelusuk negeri, menziarahi dan menyantuni golongan yang kurang bernasib baik,” kata Ketua Pegawai Korporat TNB, Datuk Wira Roslan Ab. Rahman.

“Menerusi penglibatan warga kerja TNB ini, wang zakat berjumlah RM4.325 juta telah diagihkan sejak awal Ramadan lalu. Pendekatan ini, Insya Allah dapat mengukuhkan amalan sentiasa bersyukur, prihatin dan berkongsi rezeki bersama masyarakat.”

Bantuan zakat yang diagihkan adalah dalam bentuk wang saku dan barangan keperluan harian yang amat diperlukan kerana kebanyakan penerima hilang punca pendapatan apabila terpaksa berkurang bagi mengelakkan penularan wabak COVID-19.

“Semoga usaha murni kami memperoleh keberkatan di bulan Ramadan yang mulia ini. Kami juga berharap, sedikit sebanyak ia dapat memberi kegembiraan kepada mereka yang dihimpit kesukaran, lebih-lebih lagi menjelang Aidilfitri nanti,” tambah Roslan.

Selain menyantuni golongan yang terjejas beragama Islam, sebahagian penerima manfaat wakalah turut melibatkan masyarakat bukan Islam yang layak.

Dikeluarkan di Kuala Lumpur pada 23 Mei 2020, jam 10:00 pagi

*Untuk pertanyaan lanjut media, sila hubungi Fitri Majid di talian 013-3626923 /
Grace Tan di talian 016-6626229 / Nasir Aziz di talian 018-9434524
atau emel ke media@tnb.com.my*

Caption:



Jurutera pengeluaran juga wakil Stesen Janaelektrik Chenderoh, Khairul Azhar bersama anggota kerja stesen menyampaikan sumbangan Wakalah Zakat TNB berupa makanan dan wang tunai kepada fakir miskin sekitar kawasan Chenderoh pada 14 Mei lalu.



Wakil Tenaga Nasional Berhad (TNB) Kelantan menyampaikan sumbangan Wakalah Zakat TNB kepada seorang asnaf yang mempunyai anak OKU di Tunjung Kota Bharu. Sumbangan berbentuk barangan keperluan harian dan wang itu adalah satu daripada usaha TNB untuk berkongsi rezeki dengan mereka yang memerlukan.



Sebahagian daripada 50 keluarga asnaf di kawasan sekitar Pasir Gudang, Johor Bahru yang menerima bantuan makanan dan keperluan harian daripada wakalah zakat Tenaga Nasional Berhad (TNB). Pemberian sumbangan ini adalah tanda prihatin TNB bagi meringankan beban mereka yang terjejas akibat wabak COVID-19 sepanjang Ramadan ini.



Seorang wakil Tenaga Nasional Berhad (TNB) (kiri) menyantuni golongan yang terjejas akibat wabak COVID-19 di Chuah, Negeri Sembilan. TNB turut menyampaikan bantuan daripada wakalah zakat kepada golongan bukan Islam yang layak seperti mereka yang berpendapatan rendah, orang kurang upaya (OKU), warga emas dan golongan B40.